

«TASDIQLAYMAN»

«O‘zmilliybank» AJ
Axborot va bank xavfsizligi
departamenti direktori

 Sh. Muxamadkulov
« 15 » 05 2026-yil

“O‘zbekiston Respublikasi Tashqi iqtisodiy faoliyat milliy banki” AJ
Axborot va bank xavfsizligi departamenti direktori rahbarligida o‘tkazilgan
1. - sonli yig‘ilish
BAYONI

2026 yil « 15 » may

Toshkent shahri

Raislik qildi:

Axborot va bank xavfsizligi departamenti
direktori Sh. Muxamadkulov

Qatnashdilar:

Axborot va bank xavfsizligi departamenti
xodimlari, Ikkinchi bo‘lim boshlig‘i va
Korrupsiyani oldini olish boshqarmasi xodimi

KUN TARTIBI

1. O‘zbekiston Respublikasi Prezidentining 2025 yil 26 dekabrda Oliy Majlis va O‘zbekiston xalqiga Murojaatnomasida korrupsiyaga qarshi kurashish yo‘nalishida belgilangan vazifalarning mazmun-mohiyatini xodimlarga yetkazish.
2. Bank tizimida korrupsiyaviy xavf-xatarlarni aniqlash, oldini olish va bartaraf etish bo‘yicha ta’sirchan mexanizmlarni kuchaytirish.
3. Xodimlarda qonun ustuvorligi, xizmat intizomi, korporativ etika va shaxsiy mas’uliyat tamoyillarini mustahkamlash.
4. Komplayens nazorati, manfaatlar to‘qnashuvining oldini olish va bank nufuzini himoya qilish bo‘yicha amaliy tushuntirishlar berish.

Mashg‘ulotni Axborot va bank xavfsizligi departamenti direktori Sh. Muxamadkulov ochib berib, mamlakatimizda korrupsiyaga qarshi kurashish davlat siyosati darajasidagi eng ustuvor yo‘nalishlardan biri ekanligini ta’kidladi.

Ayniqsa, O‘zbekiston Respublikasi Prezidentining Oliy Majlis va O‘zbekiston xalqiga Murojaatnomasida bildirilgan: “Takror va takror aytaman. Korrupsiya – davlat taraqqiyotiga to‘siq bo‘ladigan, adolat va qonun ustuvorligini izdan chiqaradigan, jamiyatda ishonch muhitini zaiflashtiradigan eng jiddiy tahdid” degan fikrlar har bir bank

xodimi uchun xizmat faoliyatida amal qilinishi shart bo'lgan asosiy tamoyil ekanligi qayd etildi.

Shuningdek, "Korrupsiyaga yo'l qo'yish esa – islohotlarimizga xiyonatdir" degan qat'iy talabdan kelib chiqib, tizimda halollik, ochiqlik va shaxsiy javobgarlik muhitini yanada kuchaytirish zarurligi ta'kidlandi.

Mashg'ulot davomida bank tizimida uchrashi mumkin bo'lgan korrupsiyaviy xavflar, jumladan:

- kredit ajratish jarayonlarida manfaatlar to'qnashuvi;
- mijozlar bilan ishlashda tamagirlik va poraxo'rlik;
- xizmat vakolatini suiiste'mol qilish;
- ichki ma'lumotlardan shaxsiy manfaat yo'lida foydalanish;
- tender va xarid jarayonlarida shaffoflikning buzilishi;

kabi holatlar atroflicha muhokama qilinib, ularning oldini olish bo'yicha aniq choralar belgilandi.

Alohida ta'kidlanganidek, "Lavozimim, unvonim bor, menga hech kim tegmaydi", deganlar adashadi. Qonun oldida hamma teng!" degan talab barcha rahbar va xodimlar uchun birdek tatbiq etiladi.

Shu munosabat bilan ishtirokchilarga:

- xizmat vazifalarini halol va vijdonan bajarish;
- mijozlar bilan munosabatlarda kasb odobiga qat'iy rioya qilish;
- har qanday noqonuniy takliflarga nisbatan murosasiz munosabatda bo'lish;
- shubhali holatlar haqida zudlik bilan komplayens xizmati yoki rahbariyatni xabardor qilish;

• ichki normativ hujjatlarga so'zsiz amal qilish zarurligi bo'yicha tushuntirishlar berildi.

Komplayens nazorat va korrupsiyaga qarshi kurashish boshqarmasi mas'ul xodimlari tomonidan ichki nazorat mexanizmlari, xavflarni baholash tizimi, anonim murojaat kanallari, profilaktik choralar hamda korrupsiya to'g'risida xabar bergan xodimlarning xavfsizlik kafolatlari haqida batafsil ma'lumot berildi.

Shu bilan birga, "Komplayens xizmatining faoliyatiga to'sqinlik qilganlar – korrupsiyaga sherik, deb baholanadi" degan talabdan kelib chiqib, nazorat jarayonlariga to'sqinlik qilish yoki ma'lumotlarni yashirish jiddiy javobgarlikka sabab bo'lishi to'g'risida ogohlantirildi.

Mashg'ulotda korrupsiyaning oldini olishda, eng avvalo, rahbarlarning shaxsiy namunasi hal qiluvchi ahamiyat kasb etishi alohida ta'kidlandi.

Qayd etilganidek, jamoada halollik, intizom va qonuniylik muhitini shakllantirish, birinchi navbatda, rahbarlarning ochiqlik, adolat va prinsipiiallik tamoyillariga amal qilishiga bog'liqdir.

Xususan, rahbarlar:

- jamoaga shaxsiy ibrat bo'lishi;
- xizmat vakolatidan shaxsiy manfaat yo'lida foydalanmasligi;
- qaror qabul qilishda xolislik va shaffoflikni ta'minlashi;
- tanish-bilishchilik va guruhbozlikka yo'l qo'ymasligi;
- sog'lom ma'naviy muhitni shakllantirishi;
- qonunbuzilishlarga nisbatan murosasiz munosabatda bo'lishi zarurligi ta'kidlab o'tildi.

Shuningdek, "Davlatning har bir so'm mablag'i, resursi bo'yicha shaxsiy javobgarlik kuchaytiriladi" degan talabdan kelib chiqib, moliyaviy operatsiyalar, kredit ajratish va ichki nazorat jarayonlarida qonuniylikka qat'iy rioya etilishi shart ekanligi qayd etildi.

Barcha xodimlarni ogohlik va mas'uliyatga chaqirgan holda, xayot va mehnat faoliyati davomida noqonuniy ishlarga va uyushgan guruhlariga aralashmaslik, korrupsiya va firibgarlikni o'ziga kasb qilib olgan elementlardan yiroq bo'lish, bu kabi holatlarga duch kelinganda zudlik bilan rahbarlari yoki korrupsiyaga qarshi tizim mas'ullarini xabardor qilish, xizmat faoliyati davomida hamda ishdan tashqari holatlarda, ayniqsa keng jamoatchilik orasida namunaviy shaxs sifatida namoyon bo'lishga intilish, noqonuniy ishlarga aralashmaslik, odob-ahloq qoidalariga rioya qilish, o'zi va oilasi sha'nini yuqori darajada ushlab turish lozimligi, eng asosiysi yuqori nufuzli idorada faoliyat yuritayotganligini unutmasliklari lozimligi haqida alohida to'xtalib, bu kabilarga amal qilmaslik qanday oqibatlariga olib kelishi to'g'risida o'z fikrlarini bildirdi.

Shu bilan birga, Axborot va bank xavfsizligi departamenti direktori Sh.Muxamadkulov va Korrupsiyani oldini olish boshqarmasi boshlig'i o'rinbosari- bo'lim boshlig'i D.Jurabekovlar yig'ilish davomida "O'zmilliybank" AJda Korrupsiyaga qarshi kurashish tizimi mavjudligini yana bir bor eslatib, mazkur yo'nalishda yuzaga kelayotgan yoki shakllanayotgan noqonuniy elementlar yoki shu kabi ishlarni taklif etayotgan shaxslar to'g'risidagi mavjud ma'lumotlarni kechiktirmay taqdim etish maqsadga muvofiqligi, shuningdek, Korrupsiyaga qarshi kurashish yo'nalishida ushbu tizim tomonidan taqdim etilayotgan o'quv materiallarini, tegishli ma'lumotlarni mas'uliyat bilan o'rganish va doimiy ravishda malaka oshirib borishlari, korrupsiyaning har qanday ko'rinishiga nisbatan murosasiz munosabatda bo'lishlari lozimligi to'g'risida eslatmalar berib o'tdi.

QAROR QILINDI

1. O'zbekiston Respublikasi Prezidentining Oliy Majlis va O'zbekiston xalqiga murojaatnomasida korrupsiyaga qarshi kurashish yo'nalishida belgilangan vazifalar barcha xodimlar tomonidan chuqur o'rganilib, amalda ta'minlansin.

2. Korrupsiya, firibgarlik, manfaatlar to'qnashuvi va boshqa qonunbuzilishlarga nisbatan murosasiz munosabat shakllantirilsin.

3. Komplayens nazorati va profilaktik ishlar yanada kuchaytirilsin.

4. Xodimlarning huquqiy savodxonligi va kasbiy malakasini oshirish maqsadida doimiy seminar, trening va amaliy mashg'ulotlar tashkil etilsin.





5. Rahbarlar tomonidan sog'lom ma'naviy muhitni shakllantirish, xizmat intizomi va korporativ madaniyatni mustahkamlash bo'yicha tushuntirish ishlari tizimli ravishda olib borilsin.

6. Bank sha'ni va nufuziga putur yetkazuvchi har qanday harakatlarning oldini olish choralari kuchaytirilsin.

7. Mazkur bayonnomada belgilangan vazifalar ijrosini ta'minlash tegishli rahbarlar zimmasiga yuklatilib, umumiy nazorat departament rahbariyati tomonidan amalga oshirilsin.

2026 yil “ 15 ” may kuni dagi
1 -sonli yig'ilish
bayonnomasiga ilova

T A N I S H D I L A R:

№	F.I.Sh.	Lavozimi	Imzo	Sana
1	SH. Muhamadkulov	Departament Direktori		15.05.2026
2	A.Kadirov	Boshqarma boshlig'i		15.05.2026
3	I.Gadaev	Bo'lim boshlig'i		15.05.2026
4	A.Muslinkin	Bo'lim boshlig'i		15.05.2026
5	A.Grabovets	Bo'lim boshlig'i		15.05.2026
6	B.Yakubov	Bo'lim boshlig'i		15.05.2026
7	A.Abdusamatov	Bosh mutaxassis		15.05.2026
8	R.Bekchanov	Bosh mutaxassis		15.05.2026
9	A.Xadjaev	Bosh mutaxassis		15.05.2026
10	M.Oripov	Bosh mutaxassis		15.05.2026
11	X.Eshmominov	Bosh mutaxassis		15.05.2026
12	Q.Rahimjonov	Bosh mutaxassis		15.05.2026
13	E.Maxmadazizov	Bosh mutaxassis		15.05.2026
14	D.Sadikova	Yetakchi mutaxassis		15.05.2026
15	D.Xabibullayev	Ikkinchi bo'lim boshlig'i		15.05.2026